

Khasitomo ya SARS yi na tshaku ro lawula ntshukotshuko wa ndzilekani

Tshwane, 23 Ndzati 2021 – Vukorhokeri bya Xibalo bya Afrika-Dzonga (SARS), hi ku tirhisa xiyenge xa Khasitomo, byi twisisa xirilo xa vakhumbeki lava rhumelaka tinhundzu lava hlanganaka na mihlwelo endhawini ya ndzilekani ya Beit Bridge.

Khasitomo ya SARS yi tsakela ku tiyisa hi vuntshwa vahakelaxibalo, vaxavisi na vakhumbeki hinkwavo leswaku matirhelo ma Khasitomo ma endliwile ma ximodeni eka malembe ma seswinyana leswaku ma tirhisa tisisiteme ta xilekitironiki ku fambisa nkhumulo wa tinhundzu na vaendzi ku hundza hi le ndhawini yo nghena hi yona.

Wun'we wa mimbuyelokulu ya sisiteme ya xilekitironiki leyi endliweke ya ximodeni eBeit Bridge i nkarhi wo phurosesa lowu hatlisaka lowu hungutaka nkarhi wo rindzela hi la ku kulu eka titiraka leti tlulaka ndzilekani, leswi vulaka leswaku mitila eka tlhelo ra Afrika-Dzonga yi komile swinene.

Ku engetelela, Khasitomo ya SARS a yi na vulawuri ehenhla ka ntlimbano lowu humelelaka eka N1 ku ya eBeit Bridge, loko ku ri na mihlwelo leyi nga henhla ka vulawuri bya SARS.

SARS yi le simekeni ka mindlandlamuxo yo engetelela eka sisiteme leyi endliweke ya ximodeni, mitiviso ya xilekitironiki na tiphurosesa hi ku tirhisa phurojeke ya lemuko wa ntsariso wa movha tanihi goza ro sungula ra mindzilekani leyi TLHARIHEKE.

Phurojeke leyi yi ta simekiwa ku nga ri khale etindhawini tin'wana to nghena hi tona leswi nakambe swi nga ta vuyerisa vaaki lava rhumelaka tinhundzu hi mikarhi yo hetisisa yo hatlisa.

Beit Bridge i ndhawu yo nghena leyi nga na migingiriko swinene eAfrika-Dzonga naswona yi pfula 24/7. Webusayiti ya SARS yi na vuxokoxoko byo tala eka tindhawu hinkwato to nghena hi tona na mitirho ya tona. Endzela www.sars.gov.za.

SARS yi tlhele yi lemuka hi ku vilela ntlimbano ndhawini ya ndzilekani wa Lebombo. Hi navela ku tivisa vatirhisi hinkwavo va ndhawu ya ndzilekani leswaku xivangelo xa ntlimbano lowu i micincokulu ya Khasitomo leyi tivisiweke, kambe ku nga ri etlhelo ra Afrika-Dzonga. SARS yi ta ya emahlweni yi tirha hi matimba na vatirhikuloni ku fambisa ntshukotshuko wa xinawu wa vaendzi na tinhundzu leswi hundzaka hi le mindzilekanini ya hina.

Mayelana na vuxokoxoko byo tala u komberiwa ku tihlanganisa na SARSMedia@sars.gov.za